

Þskj. 204 – 169. mál.

Frumvarp til laga um niðurfellingu laga um kísilgúrverksmiðju við Mývatn, nr. 80/1966, með síðari breytingum, og um ráðstöfun eigna Kísilgúrsjóðs

Umsögn Atvinnuþróunarfélags Þingeyinga hf.

9. desember 2008

Félagið fagnar því að frumvarp þetta skuli loks fram komið og mælir með samþykkt þess. Allt frá því að starfsemi Kísilgúrsjóðs var hætt á fyrri hluta árs 2007 hafa átt sér stað umræður milli félagsins og fulltrúa iðnaðarráðuneytisins um ráðstöfun eigna sjóðsins. Eins og fram kemur í greinargerð með frumvarpinu hefur samstarf sjóðsins og félagsins verið mikið í gegnum árin og hafa báðir aðilar sömu markmið þegar kemur að eflingu atvinnulífs á starfssvæði sjóðsins. Öll rök hníga því að þeirri niðurstöðu sem frumvarpið gerir ráð fyrir.

Í þeim umræðum sem átt hafa sér stað um málið hefur félagið talið að eðlilegast væri að það tæki með samningi yfir allar eignir og skuldbindingar sem í sjóðnum eru nú við slit hans. Þeim eignum myndi félagið síðan ráðstafa samkvæmt markmiðssetningu frumvarpsins og gera iðnaðarráðuneytinu grein fyrir þeirri ráðstöfun. Rétt er að taka fram að stærstur hluti þeirra peningalegu eigna sem í sjóðnum eru komu til við sölu hlutabréfa í félagi sem sjóðurinn keypti í fyrir tilstuðlan Atvinnuþróunarfélagsins.

Í ljósi þess tíma sem liðinn er frá því að starfsemi sjóðsins var hætt er lögð áhersla á að ljúka megi málinu fyrir árslok og að félagið geti tekið við eignum sjóðsins með samningi við iðnaðarráðuneytið eigi síðar en 31.12.2008.

F.h. Atvinnuþróunarfélags Þingeyinga hf.

Reinhard Reynisson, framkvæmdastjóri

6.12.2008

Alþingi
Erindi nr. P 136/347
komudagur 6.12.2008

Nefndasvið Alþingis

Náttúrurannsóknastöðin við Mývatn hefur nú yfirfarið frumvarp til laga um niðurfellingu laga um kísilgúrverksmiðju við Mývatn, nr. 80/1966, með síðari breytingum, og um ráðstöfun eigna Kísilgúrsjóðs.

Rannsóknastöðin hefur ekkert við frumvarpið að athuga.

Með bestu kveðjum

Dr. Árni Einarsson, forstöðumaður
Náttúrurannsóknastöðinni við Mývatn